



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus Practicus De Casibus Summo Pontifici, Episcopis, Et Praelatis Religionum Reservatis

Kiene, Johann Georg

Constantiae, 1629

7. Carmina Dæmonis artificio laborata ad morbos gignendos.

**urn:nbn:de:hbz:466:1-42214**

tores aut Curatores superstitiosos non intédere aut dicere se implorare opem Dæmonis, aut in eam confidere, quod satis sit ad tacitam invocationem hisce vanis ad cognitionem, aut curationem improprietatis vti, quæ vim humanam, aut vires verborum superant, & secretam Dæmonis opem arguuntur adnexam habere, quod utilitatem suam ista media ab interuentu & auxilio Dæmonis consequantur. *Suar. t. 3. de Religione. l. 2. de Superstitione. c. 9. num. 13. Sanchez. cit. c. 38. num. 4. cum aliis.*

VII. Incidunt in casum reservatum qui vsurpant verba aut carmina quædam autore Dæmone ad morbos gignendos, aut curandos, ludicra, vel terriculamenta cienda, composita: aut alias verborum formulas, quibus Dæmon invocatur aut cogitur ad compar-

ren-

rendum, aliquid significandum, v. g. furtum, furem, aut thesaurum absconditum, morbigenus, medicinam, aut à quo maleficium impositum, quibus mediis tollendū aut faciendum eiusdem operâ tacite, vel expressè rogatâ: nec non qui incantatoris operâ vtuntur, v. g. ad amatorium maleficium, quo quis in amorem, Venerisque furias protrahitur.

VIII. Quæres vtrum maleficium maleficio liceat solvere: Resp. I. Nunquam licere maleficium maleficio solvere, id est, damnum à maleficis illatum per superstitionis medium diuinationis dispellere, aut magica signa, ligaturas, nodos, volumina capillorum tollere, quamuis etiam ad id se paratum offerat diuinator, cum hoc sit intrinsecè malum, propter vsum magicæ artis promanantis ab expressa, vel tacita Dæmonis inuocatione